



অবিলম্বে প্রকাশের উদ্দেশ্যে: 8/3/2020

গভর্নর অ্যাঙ্কু এম. কুওমো

গভর্নর কুওমো নিউ ইয়র্কবাসীদের শক্তিশালী বায়ু এবং ভারী বৃষ্টিপাতের জন্য প্রস্তুতির জন্য স্মরণ করিয়ে দিচ্ছেন যখন ক্রান্তীয় ঝড় ইসাইয়াস পূর্ব উপকূলে সরে যাচ্ছে

রাষ্ট্রীয় এজেন্সি জরুরি প্রতিক্রিয়া সম্পদ লোকালয়গুলিকে সাহায্য করার জন্য কৌশলগতভাবে মোতায়েন করা হয়েছে

ঝড় রাতারাতি সময়ে নিউ ইয়র্কে প্রভাব ফেলবে এবং মঙ্গলবার অব্যাহত থাকবে

গভর্নর নিউ ইয়র্কবাসীদের শক্তিশালী বায়ু ভারী বৃষ্টিপাত এবং আকস্মিক বন্যার সম্ভাবনার জন্য পরিকল্পনা করার আহ্বান জানিয়েছেন

মঙ্গলবার দুপুর থেকে মধ্যরাত পর্যন্ত MTA ব্রিজ থেকে ট্যানডেম ট্রেলার এবং খালি ট্রাক্টর ট্রেলার নিষিদ্ধ

গভর্নর অ্যাঙ্কু এম. কুওমো নিউ ইয়র্কবাসীদের শক্তিশালী বায়ু এবং ভারী বৃষ্টিপাতের জন্য প্রস্তুতির জন্য স্মরণ করিয়ে দিয়েছেন যখন ক্রান্তীয় ঝড় ইসাইয়াস পূর্ব উপকূলের দিকে উঠে আসছে। এই ঝড় রাতারাতি উত্তর-পূর্বাঞ্চলে পৌঁছানোর পূর্বাভাস দেওয়া হয়েছে এবং মঙ্গলবার সারাদিন ধরে হ্যারিকেনের মত পরিস্থিতি তৈরি করবে। গভর্নরের নির্দেশে, রাষ্ট্রীয় সংস্থাগুলো গত সপ্তাহ থেকে ঝড়ের অগ্রগতি নিবিড়ভাবে পর্যবেক্ষণ করছে এবং নিম্ন মিড হাডসন, নিউ ইয়র্ক সিটি এবং লং আইল্যান্ড অঞ্চলে কৌশলগতভাবে সম্পদ প্রাক-মোতায়ে করেছে, যা সবচেয়ে বেশি প্রভাবিত হবে বলে আশা করা হচ্ছে। গভর্নর কুওমো নিউ ইয়র্কবাসীদের প্রতি আহ্বান জানিয়েছেন যেন তাদের পরিবার ঝড়ের জন্য প্রস্তুত থাকে এবং সবচেয়ে হালনাগাদ তথ্যের জন্য স্থানীয় আবহাওয়ার পূর্বাভাস পর্যবেক্ষণ অব্যাহত রাখে।

"সাম্প্রতিক মডেল দেখাচ্ছে যে আগামী 24 ঘন্টার মধ্যে এই আবহাওয়া স্টেটে আঘাত হানার জন্য নিউ ইয়র্কবাসীদের প্রস্তুত থাকতে হবে, যার ফলে শক্তিশালী বায়ু এবং ভারী বৃষ্টিপাত হতে পারে যা স্থানীয় বন্যার কারণ হতে পারে," **গভর্নর কুওমো বলেন।** "আমি আমাদের রাষ্ট্রীয় সংস্থাগুলোকে নির্দেশ দিয়েছি আমাদের স্থানীয় অংশীদারদের সাহায্য করার জন্য সমস্যাজনক এলাকায় জরুরি সম্পদ মোতায়েন করতে, এবং আমি নিউ ইয়র্কবাসীদের প্রতি আহ্বান জানাচ্ছি তৎপর এবং প্রস্তুত থাকতে যদি মঙ্গলবারের ঝড় তীব্র হয়।"

বর্তমানে, ইসাইয়াসকে ক্রান্তীয় ঝড়ে নামিয়ে আনা হয়েছে, কিন্তু আশা করা হচ্ছে সোমবার গভীর রাতে ক্যারোলিনায় পৌঁছানোর আগেই এটি হ্যারিকেনের শক্তি ফিরে পেতে পারে। ঝড় উত্তর দিকে এগিয়ে যাওয়ার সাথে সাথে ক্রান্তীয় ঝড়ের পরিস্থিতি মঙ্গলবার বিকেল পর্যন্ত দক্ষিণ নিউ ইংল্যান্ড পর্যন্ত উত্তরে ছড়িয়ে পড়ার সম্ভাবনা রয়েছে। এর ফলে, ন্যাশনাল ওয়েদার সার্ভিস নিম্ন মিড হাডসন, নিউ ইয়র্ক সিটি এবং লং আইল্যান্ড অঞ্চলের জন্য একটি ক্রান্তীয় ঝড় সতর্কতা জারি করেছে। পূর্বাভাস ভবিষ্যদ্বাণী করেছে যে এই অঞ্চলের নিউ ইয়র্কবাসীরা ঘন্টায় 40 থেকে 50 মাইল বেগে বাতাসের গতি অনুভব করতে পারে, যেখানে সর্বোচ্চ ঘন্টায় প্রায় 70 মাইল বেগে ঝোড়ো হাওয়া বইতে পারে। এই ঝড় নিউ ইয়র্কে দুই থেকে চার ইঞ্চি বৃষ্টি আনতে পারে বলে আশা করা হচ্ছে, যেখানে দক্ষিণ মিড হাডসন অঞ্চলে ছয় ইঞ্চির মত ভারী বর্ষণের সম্ভাবনা রয়েছে। উপকূল বরাবর দুই ফুট পর্যন্ত স্থানীয় ঝড়ের সম্ভাবনা রয়েছে।

ন্যাশনাল ওয়েদার সার্ভিস পার্শ্ববর্তী এলাকার জন্য বেশ কিছু আকস্মিক বন্যা পর্যবেক্ষণ এবং অন্যান্য আবহাওয়া বিবৃতি জারি করেছে। নিউ ইয়র্কবাসীরা সর্বশেষ আবহাওয়া পূর্বাভাসের পাশাপাশি, এই সকল বিস্তারিত সম্পূর্ণ তালিকার জাতীয় আবহাওয়া পরিষেবা ওয়েবসাইটে গিয়ে দেখতে পারেন [এখানে](#)।

এজেন্সির প্রস্তুতি

হোমল্যান্ড নিরাপত্তা ও জরুরি সেবা বিভাগ (Division of Homeland Security and Emergency Services, DHSES)

নিউইয়র্ক স্টেট ডিভিশনের হোমল্যান্ড নিরাপত্তা ও জরুরি সেবা বিভাগের জরুরি অপারেশনস সেন্টার (Emergency Operations Center) COVID-19 মহামারীর কারণে সক্রিয় রয়েছে এবং তারা আবহাওয়ার পরিস্থিতি পর্যবেক্ষণ করবে, রাষ্ট্রীয় প্রতিক্রিয়া কার্যক্রম পরিচালনা করবে এবং ঘটনার পুরো সময়কালে এলাকাবাসীর সাথে যোগাযোগ করবে। স্টেটের মজুদকেন্দ্রগুলি ঝড়-সম্পর্কিত প্রয়োজনে ক্ষতিগ্রস্ত লোকালয়ে সম্পদ মোতায়েনের জন্য প্রস্তুত। এর মধ্যে রয়েছে পাম্প, চেইনস, বালির বস্তা এবং বোতলজাত পানি। অধিকন্তু, আগুন প্রতিরোধ ও নিয়ন্ত্রণ বিভাগের কার্যালয় (Division's Office of Fire Prevention and Control) ঝড়ের গতিপথের স্থানীয় প্রাথমিক সাড়াদানকারীদের সহায়তা করার জন্য তাদের সুইফট ওয়াটার আরবান সার্চ অ্যান্ড রেসকিউ দল (Swift Water Urban Search and Rescue team) প্রাক মোতায়েন করেছে। দলগুলি নৌকা এবং উচ্চ-অ্যাক্সেল যানবাহনে সজ্জিত।

ডিপার্টমেন্ট অফ ট্রান্সপোর্টেশন (Department of Transportation)

রাজ্যজুড়ে 3,517 জন সুপারভাইজর এবং অপারেটর সহ রাজ্য সড়ক বিভাগ পরিস্থিতি মোকাবেলার জন্য প্রস্তুত। সকল উপলভ্য বৃষ্টি/বন্যা/বায়ু প্রতিক্রিয়া সরঞ্জাম মোতায়েন করতে প্রস্তুত। রাজ্যব্যাপী সরঞ্জাম সংখ্যা নিম্নরূপ:

- 1433টি বৃহৎ ডাম্প ট্রাক

- গ্রাপল সহ 48টি লোডার
- 313টি লোডার
- সিউয়ার জেট সহ 16টি ভ্যাকুয়াম ট্রাক
- 28টি ট্র্যাকড খননযন্ত্র
- 47টি চাকায়ুক্ত খননযন্ত্র
- লোবয় ট্রেইলার সহ 61টি ট্র্যাক্টর ট্রেইলার
- 14টি ড্রি ড্রু বাকেট ট্রাক
- 35টি ট্রাফিক সিগন্যাল ট্রাক
- 6টি পানির পাম্প
- 77টি চিপার

সব ক্ষতিগ্রস্ত রেসিডেন্সি এলাকায় অগ্রাধিকারযুক্ত প্রতিক্রিয়ার অপারেশনের সময়কাল জুড়ে 24/7 অপারেশন জন্য কর্মী মোতায়েন করা হবে। রেসপন্স সরঞ্জাম কর্মক্ষম রাখতে মেকানিক সাপোর্ট রাখা হবে 24/7।

বন্যা/ধ্বংসাবশেষ দ্রুত প্রতিক্রিয়া কর্মীদের মঙ্গলবার রাতে মিড হাডসন এবং লং আইল্যান্ড অঞ্চলে প্রাক-মোতায়েন করা হবে যেকোনো প্রয়োজনে দ্রুত সাড়া প্রদানের জন্য। অতিরিক্ত সহায়তা প্রদানের জন্য প্রয়োজন অনুযায়ী অতিরিক্ত ফ্রুদের ডাকা হবে।

থ্রুওয়ে অথোরিটি (Thruway Authority)

থ্রুওয়ে অথোরিটি ঝড়ো বাতাস সংক্রান্ত যেকোনো পরিস্থিতি মোকাবেলায় স্টেট জুড়ে 651 জন অপারেটর ও সুপারভাইজার, ছোট থেকে মাঝারি আকারের খননযন্ত্র, লাঙ্গল/ডাম্প ট্রাক, বড় লোডার এবং বেশ কিছু বহনযোগ্য VMS বোর্ড, বহনযোগ্য লাইট টাওয়ার, ছোট জেনারেটর, ছোট পাম্প ও উপকরণ টানার ট্রেলার এবং যেকোনো ধরনের পথ ঘোরানো বা বন্ধের জন্য ট্রাফিক সাইন ও অন্যান্য ট্রাফিক নিয়ন্ত্রণ যন্ত্র নিয়ে পুরো স্টেটে বন্যা সমস্যার সমাধানে কর্মীরা প্রস্তুত আছে। থ্রুওয়েতে আবহাওয়া পরিস্থিতির ব্যাপারে মোটরচালকদের সতর্ক করতে বিভিন্ন রকম বার্তা চিহ্ন, হাইওয়ে পরামর্শ রেডিও এবং সোশ্যাল মিডিয়া ব্যবহার করা হয়।

স্টেটব্যাপী সরঞ্জামের সংখ্যাগুলো নিম্নরূপ:

- 207টি বৃহৎ ডাম্প ট্রাক
- 123টি ছোট ডাম্প ট্রাক
- 60টি লোডার
- 26 ট্রেইলার
- 7টি ভ্যাক ট্রাক
- 10টি ট্র্যাকড খননযন্ত্র
- 7টি চাকায়ুক্ত খননযন্ত্র
- 11টি ব্রাশ চিপার

- 99টি চেইনস
- 21টি এরিয়াল ট্রাক
- 22টি স্কিড স্টিয়ার
- 87টি বহনযোগ্য জেনারেটর
- 69টি বহনযোগ্য আলোর ইউনিট

থ্রুওয়ে অথোরিটি মোটরচালকদের তাদের মোবাইল অ্যাপ ডাউনলোড করতে উৎসাহিত করে যা [আইফোন](#) এবং [অ্যান্ড্রয়েড](#) ডিভাইসে ডাউনলোড করার জন্য বিনামূল্যে উপলভ্য। অ্যাপটি মোটরযান চালকদের প্রকৃত-সময়ে ট্রাফিক এবং দিক-নির্দেশনা সহায়তা লাভের সরাসরি সুযোগ প্রদান করে। এছাড়াও মোটরচালকরা TRANSalert ই-মেইলের জন্য সাইন আপ করতে পারেন নিচের লিঙ্ক অনুসরণ করে যা থ্রুওয়ে জুড়ে সর্বশেষ ট্রাফিক পরিস্থিতি প্রদান করে: www.thruway.ny.gov/tas/index.shtml। রিয়েল-টাইম আপডেটের জন্য, মোটরচালকরা থ্রুওয়ে ও নিউ ইয়র্কের অন্যান্য রাস্তার ট্রাফিক পরিস্থিতি প্রদর্শনকারী ইন্টারেক্টিভ ম্যাপ দেখতে টুইটারে [@ThruwayTraffic](#) অনুসরণ করতে পারেন অথবা www.thruway.ny.gov ভিজিট করতে পারেন।

মেট্রোপলিটান ট্রান্সপোর্টেশন অথোরিটি (Metropolitan Transportation Authority, MTA)

MTA তার পরিবহন নেটওয়ার্ক রক্ষা এবং নিরাপদ সেবা প্রদানের জন্য প্রয়োজনীয় সব ধরনের সতর্কতা অবলম্বন করছে।

নিউ ইয়র্ক সিটি ট্রানজিট, লং আইল্যান্ড রেল রোড, মেট্রো-নর্থ রেলরোড এবং MTA ব্রিজ এবং টানেল জুড়ে, ফুরা 1 মিলিয়ন গ্যালন ডিজেল জ্বালানী, 303,000 বালির বস্তা, 77,800 গ্যালন গ্যাসোলিন, প্লাইউডের 7,348টি শিট, 884টি চেইন স, 671টি বহনযোগ্য জেনারেটর, কংক্রিট বা প্লাস্টিক দিয়ে তৈরি 422টি বেড়া, 264টি পাম্প, 218টি মশাল, 198টি ওয়াটার সাকশন এবং ডিসচার্জ হোস, 134 টি পাখা, 79টি জরুরি সাড়া যানবাহন, 56টি ধ্বংসাবশেষ/টো ট্রাক, 37টি খননকারী, 33টি পরিবর্তনযোগ্য বার্তা চিহ্ন, 18টি আবহাওয়ার তথ্য সংগ্রহ স্টেশন এবং তিনটি ধ্বংসাবশেষ পরিষ্কারক ট্রেন নিয়োজিত করেছে।

MTA মঙ্গলবার দুপুর থেকে মধ্যরাত পর্যন্ত তাদের সেতুতে ট্যানডেম ট্রেলার এবং খালি ট্রাক্টর ট্রেলার নিষিদ্ধ করবে।

মেট্রো-নর্থ মঙ্গলবার সাপ্তাহিক ছুটির সময়সূচীতে যাবে, যা মঙ্গলবার সারাদিন প্রতি ঘন্টায় সেবা প্রদান করবে, হারলেম লাইনে দক্ষিণ-পূর্ব এবং ওয়াসাইকের মধ্যে প্রতি দুই ঘন্টা এবং কাইনেটিকাটের ডানবেরি শাখায় প্রতি তিন ঘন্টা অন্তর সেবা প্রদান করবে।

ভারী বৃষ্টিপাত এবং বাবায়ু প্রবাহের সময় এবং পরে নিরাপদে ভ্রমণের জন্য গ্রাহকদের সতর্কতা অবলম্বন করা উচিত। এর মধ্যে রয়েছে অতিরিক্ত ভ্রমণের সময় হাতে রাখা, প্ল্যাটফর্ম এবং সিঁড়িতে

হাঁটার সময় অতিরিক্ত সতর্কতা অবলম্বন করা, পিচ্ছিল পরিস্থিতির দিকে নজর রাখা এবং মাথার ওপরের গাছপালা বা তারের জন্য সচেতন থাকা।

সকল MTA এজেন্সি একসাথে কাজ করছে, যদি সেবা প্রভাবিত হয় টা প্রশমন করতে সতর্কতামূলক পরিবর্তন পরিকল্পনা উন্নয়নের জন্য স্থানীয় অংশীদারদের সাথে সমন্বয় সাধন করছে।

নিউ ইয়র্ক এবং নিউ জার্সির বন্দর কর্তৃপক্ষ (Port Authority of New York and New Jersey)

পোর্ট অথরিটি ঝড়ের সময় মোটরচালকদের সতর্ক থাকার আহ্বান জানিয়েছে। জর্জ ওয়াশিংটন এবং স্টেটেন আইল্যান্ড সেতুতে গতি নিষেধাজ্ঞা কার্যকর হতে পারে, পাশাপাশি ক্রসিং থেকে রাস্তা বরাবর।

পোর্ট অথরিটির বিমানবন্দর, টার্মিনাল এবং বাস স্টেশনের ভ্রমণার্থীদের বিলম্ব, বাতিল অথবা পুনঃবুকিংয়ের সর্বশেষ তথ্যের জন্য সরাসরি বাস ক্যারিয়ার এবং এয়ারলাইন্সের সাথে যোগাযোগ করার জন্য উৎসাহিত করা হয়। পোর্ট অথরিটি সুবিধা সম্পর্কে সর্বশেষ তথ্যের জন্য, অনুগ্রহ করে সোশ্যাল মিডিয়া চেক করুন, PA এলাট-এর জন্য সাইন আপ করুন অথবা PA মোবাইল অ্যাপগুলির মধ্যে একটি ডাউনলোড করুন।

ডিপার্টমেন্ট অব এনভায়রনমেন্টাল কনজারভেশন (Department of Environmental Conservation, DEC)

DEC পরিবেশ সংরক্ষণ পুলিশ অফিসার, ফরেস্ট রেঞ্জার্স, আপেক্ষিকীয় ব্যবস্থাপনা কর্মী এবং অঞ্চলের কর্মীরা সতর্ক আছেন এবং পরিস্থিতির পর্যবেক্ষণ করছেন এবং গুরুতর আবহাওয়ায় আক্রান্ত হতে পারে এমন এলাকা ও অবকাঠামোগুলোকে সক্রিয়ভাবে টহল দিচ্ছেন। দ্রুত পানি থেকে উদ্ধার দল এবং স চালক সহ, বিদ্যমান সকল সংস্থান, যেকোনো জরুরি পরিস্থিতিতে সহায়তার জন্য প্রস্তুত আছেন।

পার্ক, বিনোদন ও ঐতিহাসিক সংরক্ষণ অফিস (Office of Parks, Recreation and Historic Preservation)

স্টেট পার্ক ঝড়ের পূর্বাভাস পর্যবেক্ষণ করছে, এবং আঞ্চলিক কর্মীরা UTV/ATV, জেনারেটর এবং কার্টের চিপার প্রস্তুত করছে; সয়ার ফ্রু শনাক্ত করা; সম্ভাব্য অবরোধের নিকাশি কার্ঠামো পরিষ্কার করা, এবং পরিচিত বিপজ্জনক অঙ্গ এবং গাছ অপসারণ করছে এবং যেসব ফ্যাসিলিটিতে বন্যা সমস্যার কথা জানা রয়েছে সেগুলিতে বালুর বস্তা প্রাক-স্থাপন করছে। সম্ভাব্য পর্যটকদের ঝড়ের কারণে সুবিধা অপারোটিং সময়সূচির যেকোন সম্ভাব্য পরিবর্তনের আপডেটের জন্য <https://parks.ny.gov/> ভিজিট করতে অনুরোধ করা হয়েছে।

PSEG LI-এর ইউটিলিটি কর্মীরা ঝড়ের আশঙ্কায় পিকনিক এলাকার পার্কিং লট এবং ক্লাবহাউসের কাছে বেথপেজ স্টেট পার্কে ট্রাক এবং সাপ্লাই ও সরবরাহ করবে।

নিউ ইয়র্ক স্টেট পুলিশ

নিউইয়র্ক স্টেট পুলিশ সমস্ত ট্রুপারকে সজাগ থাকতে এবং যে কোনও সমস্যার জন্য পরিস্থিতি নিবিড়ভাবে পর্যবেক্ষণ করার নির্দেশ দিয়েছে। প্রয়োজনে ক্ষতিগ্রস্ত এলাকায় অতিরিক্ত কর্মী মোতায়েন করা হবে। স্টেট পুলিশের দ্রুত পানি উদ্ধারকারী দলের সদস্যদের মোতায়েন করা হবে এবং অবিলম্বে সাড়া দেওয়ার জন্য মোতায়েন করা হবে। নৌকা এবং ইউটিলিটি যানবাহন সহ সকল চার চাকার গাড়ি এবং সকল বিশিষ্টতা যানবাহন, ব্যবহৃত হচ্ছে।

জনসেবা অধিদপ্তর (Department of Public Service)

নিউ ইয়র্ক স্টেট জুড়ে ক্ষয়ক্ষতি মূল্যায়ন, পরিস্থিতি মোকাবেলা ও পুনরুদ্ধারের উদ্দেশ্যে নিয়োজিত করার জন্য নিউ ইয়র্ক ইউটিলিটির বর্তমানে প্রায় 4,500 জন শ্রমিক রয়েছে। ডিপার্টমেন্ট অফ পাবলিক সার্ভিসের কর্মীরা ঝড়ের ঘটনাজুড়ে ইউটিলিটিগুলোর কাজ ট্র্যাক করবে এবং নিশ্চিত করবে যে ইউটিলিটিগুলো ঐসব অঞ্চলে যথাযথ কর্মী নিয়োগ করবে যেগুলি সবচেয়ে বেশি প্রভাবিত হবে বলে আশা করা হচ্ছে। উপরন্তু, PSEG LI এবং কন এডিসন ক্রান্তীয় ঝড় ইসাইয়াস থেকে আসন্ন প্রভাবের ফলে তাদের প্রতিক্রিয়া এবং পুনরুদ্ধার প্রচেষ্টার সমর্থনে প্রায় 1,800 অতিরিক্ত পারস্পরিক সাহায্য লাইন কর্মী মোতায়েন করেছে।

নিউ ইয়র্ক বিদ্যুৎ কর্তৃপক্ষ (New York Power Authority, NYPA)

নিউ ইয়র্ক পাওয়ার অথরিটি এবং ক্যানাল কর্পোরেশন ক্রান্তীয় ঝড় ইসাইয়াস পর্যবেক্ষণ করছে। কর্মীরা অপারেশনের ধারাবাহিকতা নিশ্চিত করার জন্য প্রয়োজনীয় সতর্কতামূলক ব্যবস্থা গ্রহণ করছে। NYPA এবং ক্যানালের সম্পদের অপারেশনাল প্রভাব বর্তমান পূর্বাভাসের উপর ভিত্তি করে অনুমান করা হয়নি, যদিও কর্মীরা ন্যাশনাল ওয়েদার সার্ভিস থেকে আপডেট পর্যবেক্ষণ চালিয়ে যাবেন এবং অভ্যন্তরীণ এবং বহিরাগত স্টেকহোল্ডারদের সাথে সমন্বয় করবেন।

নিরাপত্তা পরামর্শ

প্রবল বৃষ্টিপাত হওয়ার সময়েই রাস্তায় বের হলে, অনুগ্রহ করে সাবধানে গাড়ি চালান এবং এই বিষয়গুলি মাথায় রাখুন:

- বন্যা বিধ্বস্ত রাস্তা দিয়ে গাড়ি চালিয়ে যাওয়ার চেষ্টা করবেন না। গাড়ি ঘোরান এবং অন্য রাস্তা দিয়ে যান।
- দ্রুত গতিতে বয়ে চলা পানির ধ্বংসাত্মক ক্ষমতাকে অবহেলা করবেন না। দ্রুত গতিতে বয়ে চলা দুই ফুট উচ্চতার পানি কিন্তু আপনার গাড়িকে ভাসিয়ে নিয়ে চলে যাবে। প্রতি ঘন্টায় দুই মাইল বেগে বয়ে চলা জল একটা রাস্তা বা সেতু থেকে গাড়ি ভাসিয়ে নিয়ে যেতে পারে।
- বন্যা বিধ্বস্ত রাস্তায় যাতে আটকা পড়তে না হয় সে জন্য সময়ের আগেই বের হোন।
- প্রস্তাবিত রাস্তা অনুসরণ করুন। বন্যা বিধ্বস্ত অঞ্চলগুলি দেখতে ইমার্জেন্সি ডিটুর উপেক্ষা করবেন না।
- যাতায়াত করার সময়ে, সাম্প্রতিক খবরে নজর রাখতে NOAA ওয়েদার রেডিও এবং লোকাল রেডিও ব্রডকাস্টে মনযোগ রাখুন।

- বন্যায় ভেসে চলে যাওয়া রাস্তা, ফাঁটল ধরে যাওয়া, পানি অথবা পানি বের হয়ে যাওয়ার ব্যবস্থায় থাকা ফাঁটল অথবা বৈদ্যুতিক তার মাটিতে পড়ে আছে কি না এবং কোনও কিছু পড়ছে অথবা পড়ে আছে কি না সেই সব দিকে নজর রাখুন।
- যেসব জায়গায় নদী বা জলপ্রবাহ হঠাৎ বৃদ্ধি পেয়ে বন্যা আনতে পারে, যেমন হাইওয়ের গর্ত, সেতু ও নিচু এলাকা, সেখানে লক্ষ্য রাখুন।
- যদি আপনি আপনার গাড়ির ভিতরে থাকেন আর আপনার চারপাশে জল দ্রুতবেগে বাড়তে থাকে, তাহলে অবিলম্বে গাড়ি ছেড়ে চলে যান।

বন্যা এবং গুরুতর আবহাওয়ার জন্য প্রস্তুত হন:

- আপনি যেখানে বসবাস করেন সেখানের কাউন্টি এবং নিকটবর্তী শহরগুলির নাম জানুন। গুরুতর আবহাওয়া সতর্কতা একটি কাউন্টির ভিত্তিতে জারি করা হয়।
- আপনার বাড়ির বা ব্যবসার থেকে নিরাপদ রুটটি শিখুন, যদি নিরাপদ স্থলে আপনার তাড়াতাড়ি চলে যেতে হয়।
- একটি 'পরিবার পালাবার' পরিকল্পনা গঠন এবং অনুশীলন করুন এবং পরিবারের সদস্যরা পৃথক হয়ে গেলে একটি দেখা করার স্থান সনাক্ত করে রাখুন।
- আসবাব, পোশাক এবং অন্যান্য ব্যক্তিগত সম্পত্তি সহ সমস্ত মূল্যবান জিনিসগুলির একটি আইটেমকৃত তালিকা তৈরি করুন। একটি নিরাপদ স্থানে তালিকাটি রাখুন।
- ক্যান এর খাবার, ঔষধ এবং ফার্স্ট এইড সরবরাহ ও পানীয় জলের জরুরি সরবরাহ স্টকপাইল করুন। পরিষ্কার, বন্ধ পাত্রে পানীয় জল সংরক্ষণ করুন।
- আপনার পোশা প্রাণী নিয়ে কী করবেন পরিকল্পনা করে রাখুন।
- একটি পোর্টেবল রেডিও, ফ্ল্যাশলাইট, অতিরিক্ত ব্যাটারি এবং উপলভ্য জরুরি রান্না সরঞ্জাম রাখুন।
- আপনার অটোমোবাইলে পর্যাপ্ত জ্বালানী রাখুন। যদি বিদ্যুৎ শক্তি বন্ধ হয়ে যায়, তবে গ্যাসোলিন স্টেশন কয়েক দিনের জন্য জ্বালানী পাম্প করতে পারবে না। আপনার গাড়ির ড্রাঞ্জে একটি ছোট দুর্যোগ সরবরাহ কিট রাখুন।
- আপনার সম্পত্তি কত উপরে এবং বন্যা স্তরের কত ফুট নিচে জেলে নিন। পূর্বাভাসকৃত বন্যার মাত্রা যখন সম্প্রচার করা হয়, আপনার জায়গায় বন্যা হতে পারে কিনা তা নির্ধারণ করতে পারেন।
- স্যান্ডব্যাগ, প্লাইউড, প্লাস্টিকের শিট এবং কাঠের মতো উপকরণকে জরুরি জল-নিরোধক হিসেবে ব্যবহার করার জন্য হাতের কাছে রাখুন।

হাতে দুর্যোগ সরবরাহ রাখুন, এগুলো সহ:

- টর্চলাইট এবং অতিরিক্ত ব্যাটারি
- ব্যাটারি চালিত রেডিও এবং অতিরিক্ত ব্যাটারি
- ফার্স্ট এইড কিট এবং ম্যানুয়াল
- জরুরি খাদ্য এবং জল

- অ বৈদ্যুতিক ক্যান ওপেনার
- অপরিহার্য ওষুধ
- চেকবুক, নগদ, ক্রেডিট কার্ড, এটিএম কার্ড

বিদ্যুৎ চলে গেলে, নিউ ইয়র্কের অধিবাসীদের উচিত:

- বিদ্যুৎ-চালিত গুরুত্বপূর্ণ যন্ত্রপাতি ও অন্যান্য উপকরণ বন্ধ করে রাখুন বিদ্যুৎ সংযোগ বিচ্ছিন্ন করে দিন, যেমন- কম্পিউটার, কারণ বিদ্যুৎ সরবরাহ সাময়িক বেড়ে গেলে তা আপনার যন্ত্রকে নষ্ট করে দিতে পারে। একটি বাতির সুইচ চালু করে রাখুন যাতে বিদ্যুৎ ফিরে আসলে আপনি জানতে পারেন। যখনই বৈদ্যুতিক উপকরণ ব্যবহার করবেন, বিদ্যুৎ সার্জ প্রটেক্টর ব্যবহার করুন।
- বিদ্যুৎ চলে গেলে সেবা সংস্থাকে ফোন করুন এবং অফিসিয়াল তথ্যের জন্য স্থানীয় বেতার সম্প্রচার শুনুন। নিউ ইয়র্ক স্টেটে-র ইউটিলিটি তালিকার জন্য নিউ ইয়র্ক স্টেট ডিপার্টমেন্ট অব পাবলিক সার্ভিস (New York State Department of Public Service) - এর ওয়েবসাইট পরিদর্শন করুন আপনার প্রতিবেশীর বিদ্যুৎ রয়েছে কিনা তা জানতে পরীক্ষা করুন। যোগাযোগ সহায়তা ও ফাংশনাল সহায়তা প্রয়োজন এমন ব্যক্তিদের খোঁজ নিন।
- জরুরি আলো জ্বালানোর জন্য কেবল ফ্ল্যাশলাইট ব্যবহার করুন - মোমবাতি থেকে আগুন লাগার ঝুঁকি রয়েছে।
- রেফ্রিজারেটর ও ফ্রিজারের দরজা বন্ধ রাখুন - রেফ্রিজারেশন প্রয়োজন এমন বেশিরভাগ খাবার রেফ্রিজারেটরের দরজা বন্ধ অবস্থায় কয়েক ঘন্টা নিরাপদ থাকে। দরজা বন্ধ অবস্থায় রেফ্রিজারেটর কমপক্ষে চার (4) ঘন্টা খাবার ঠাণ্ডা রাখে। একটি পূর্ণাঙ্গ ফ্রিজার প্রায় 48 ঘন্টার জন্য তাপমাত্রা ধরে রাখবে।
- ঘর গরম করার জন্য কয়লার গ্রিল ইনডোর এবং গ্যাস স্টোভ ব্যবহার করবেন না - এগুলো থেকে ক্ষতিকর মাত্রার কার্বন মনোঅক্সাইড ছড়াতে পারে।
- ঠাণ্ডা আবহাওয়ায়, কয়েক স্তরের জামা পরে এবং বাইরে কম সময় কাটানোর মাধ্যমে উষ্ণ থাকুন। ঠাণ্ডা-বাহিত বিভিন্ন উপসর্গ (যেমন, হাইপোথার্মিয়া) সম্পর্কে সচেতন থাকুন এবং এ ধরনের কোনো উপসর্গ দেখা গেলে ডাক্তার দেখান।
- আপনি কোনো উঁচু ভবনে থাকলে, সিঁড়ি বেয়ে ভবনের সবচেয়ে নিচের তলায় নেমে যান। এলিভেটরে আটকে গেলে, সহায়তার জন্য অপেক্ষা করুন। জোর করে দরজা খোলার চেষ্টা করবেন না। ধৈর্য ধরুন - এলিভেটরে প্রচুর বাতাস থাকে এবং এর ভেতরটা ব্যবহারকারির নিরাপত্তার কথা মাথায় রেখে তৈরি।
- আপনার পোশা প্রাণীকে সতেজ, ঠাণ্ডা পানি খাওয়াতে ভুলবেন না।
- অপ্রয়োজনীয় ভ্রমণ বাতিল করুন, বিশেষ করে গাড়িতে চড়ে। বিদ্যুৎ চলে গেলে ট্রাফিক বাতি কাজ করবে না, ফলে রাস্তায় জ্যাম লেগে যেতে পারে এবং গাড়ি চলাচলে বিপজ্জনক পরিস্থিতি তৈরি হতে পারে। লোডশেডিং অবস্থায় আপনাকে যদি গাড়ি চালাতেই হয়, তাহলে ট্রাফিক সিগনাল অকেজো থাকা সংযোগ সড়কগুলোতে 4-মুখী থামার নিয়মটি মেনে চলবেন।
- মনে রাখবেন যে ব্যাংকের এটিএম (ATMs) মেশিন ও এলিভেটর কাজ নাও করতে পারে।

আরো নিরাপত্তা সংক্রান্ত পরামর্শের জন্য, www.dhSES.ny.gov/oem/safety-info/index.cfmএ
DHSES এর ওয়েবসাইটে যান।

###

অতিরিক্ত তথ্য পেতে দেখুন www.governor.ny.gov
নিউইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)